

欽定剿平粵匪方略

欽定剿平粵匪方略卷一百三十七 乙卯年

九月十一日 辛未 載增富森奏言接據沔陽州知

州蕭蔭恩等稟報自麥山金口相繼失利後賊  
勢猖獗礮船陸勇均由黃陵磯大小軍山退至  
新隄嘉魚兩岸分紮其與沔潛通連之蒲團侏  
儒山及沌口內之蕭家灣磨子石等處皆爲賊  
踞情形萬緊李孟羣僅撥礮船十五隻駛入沙

湖以扼賊由沔潛抄截赴荆之路至漢川以下  
賊衆係鹽道常恩督同李保邦等堵禦八月二  
十一日賊約四五千人撲至漢川四面攻偏我  
軍陣亡及帶傷者約計五六百名餘勇力不能  
支以致漢川復失現仍退回沔陽之仙桃鎮鄢  
家灣等處駐紮幫同荊州官兵防堵各等語查  
沔潛夾乎大江襄河之間三面受敵荊州實倚

之爲外障沔潛設有疏虞荊州卽不可問勢難  
束手現飭李孟羣會合王國才堵扼沔陽州屬  
之新隄一帶而於隄內監沔交界之沙湖等處  
則飭蕭蔭恩派團會合礮船扼要嚴防並飭荊  
州府知府陳均遠率同守備福興親往湖內察  
其港汊通連要隘處所釘樁塞斷以防賊船乘  
間偷越其襄河一路李保邦等旣退回沔陽是

下游已爲賊巢不得不扼住仙桃鎮鄢家灣等處暫行堵遏上竄魁玉所帶兵勇僅二百餘名實屬過少已酌抽滿營兵三百餘名歸其督帶適新募南勇五百名到荆卽令赴李保邦紮營之處會合堵紮均交魁玉就近督飭以資防勦

奏八

上命軍機大臣傳諭載增官文胡林翼曰自麥山金口

相繼失利後賊勢猖獗漢川復失胡林翼暫駐大軍  
山收集潰勇現復退至新隄嘉魚兩岸官文此時計  
已馳抵德安自難回兵援剿但賊偏沅潛荊州情形  
萬分緊要常恩等兵勇甚單設有疏虞所關非細該  
督統轄全省其應如何設法應援之處務卽迅速妥  
籌現命黃宗漢將駐紮夔巫之兵勇二千調赴荊州  
但恐一時未能卽到羅澤南之兵如已馳抵大營卽

集三 皇朝文獻卷一百三十一  
三  
可合兵迅圖攻剿沔潛一帶經載增等分撥兵勇防  
賊紛竄復於郡城附近抽調滿營精兵交魁玉督帶  
辦理尙合機宜著卽嚴飭各該員實力防堵毋稍疏  
懈

上又命軍機大臣傳諭黃宗漢曰自麥山金口失利後  
賊勢猖獗我軍礮船陸勇由黃陵磯大小軍山退紮  
新隄嘉魚兩岸與潛沔通連之蒲團侏儒山及沌口

之蕭家灣磨了石等處已爲賊踞漢川復失下游皆  
係賊巢情形較前倍覺喫緊前有旨令黃宗漢飭署  
松潘鎮總兵德恩管帶夔巫防兵二千名赴荆協剿  
現在胡林翼之軍甫經挫敗官文前往德安未能兼  
顧而荊州兵力尙單恐該匪上竄未能抵禦湖北接  
壤蜀境惟有從夔巫上游派兵下壓庶堵剿較易爲  
力著將德恩防兵迅飭赴荆並量添兵勇另派得力



大員統領前往川楚脣齒相依荊州卽爲川省門戶  
黃宗漢統轄全蜀自未便出省著察看情形於將軍  
樂斌提督萬福二員中酌量一員派撥兵勇數千名  
由夔巫一帶馳往荊州會合攻剿以資接應

十三日酉癸官文奏言前因金口陸營失陷武漢

賊勢復熾在中途調兵嚴堵沔漢後卽取道天  
門由郢東驛京山前進因隨帶祇旗綠兵五百

餘名前調鄖鎮兵一千名未到復於鍾祥挑得壯勇五百名派都司葉永泰管帶先赴德安接應顏朝斌一軍又札調候選知府李錦鑾募勇二千名並巡檢陳時森勇五百名飛催前來分派襄河德安兩處策應臣於上月二十七日抵鍾祥紮營郢東驛接西陵阿等來函及顏朝斌稟稱於中秋後進紮德安之河壩橋各路兵勇

出隊直抵府城二里許我軍以義勇攻北門嚴  
樹森等帶勇攻西門該逆分出抵禦我兵奮勇  
迎敵已革總兵訥欽帶勇接應殺斃西門之賊  
甚衆又繞至東北城角逆衆蠶擁而來我兵極  
力鏖戰斃賊多名直追至城根而止次日復有  
賊千餘分兩股夾襲張萬祿營盤經顏朝斌督  
勇堵禦斃賊二百餘人臣飭顏朝斌等晝夜環

攻卽可得手中路情形據鹽道常恩稟稱上月  
紮營漢川紗帽山該逆分四路來撲我軍齊放  
槍礮斃賊一百餘名該逆敗走逾時復回撲李  
保邦營盤又有另股之賊抄襲我軍後路我軍  
迎勦鏖戰三時之久殺賊頗多嗣因賊來愈衆  
我軍衆寡不敵退至麥旺嘴連夜整頓隊伍復  
調參將札勒罕督勇往勦賊已下竄遂與參將

札勒罕之隊並礮船分紮繫馬口漢川新溝等處現報瀘溪勇頭隊五百名已抵潛江就近令先往仙桃鎮合李保邦之軍以圖進取惟沔陽濱江沙湖一帶甚屬空虛據署臬司李孟羣稟稱擬帶礮船十五隻並舊部之勇暫入沙湖防剿臣卽令其會合中路各軍相機進剿並爲將來合兵圖武漢之助其大江嘉魚以上經胡林

翼督率王國才扼守又有楊載福礮船攔江節  
節布置尙可無虞德安利在速戰臣一面嚴催  
已赴德安各起兵勇趕緊攻勦一面移營京山  
飛提鄖竹官兵暨李錦鑾之勇分派接應並將  
中路交李孟羣督辦臣可專力德安以免顧此  
失彼奏入

上命軍機大臣傳諭官文胡林翼曰德安利在速戰卽

應迅圖攻克以絕該逆望援之心顏朝斌駐紮府城  
西南兵力甚單卽該督添派葉永泰帶往之勇亦屬  
無多若俟鄖兵瀘勇到齊誠恐賊援大至不但德安  
難復且於大局更增棘手其中路一軍李孟羣旣赴  
沙湖卽可責令專辦與載增所派防兵會同嚴扼潛  
沔一帶以爲荊州屏障該督仍帶所調兵勇與西凌  
阿迅速進攻德安俟克復後再與胡林翼等會合圖

復武漢不可再有遲滯

十五日<sup>乙亥</sup>向榮吉爾杭阿奏言鎮城逆匪自我

兵紮營煙墩山南遏其竄路該逆總未出巢臣

吉爾杭阿先經密飭於西南城下開挖地洞會

商余萬清爲明攻賊營暗轟地洞襲取鎮城之

計並函約托明阿及總兵陳國泰等南北合勦

水陸並進八月二十九日令參將周兆熊等各



帶兵勇直抵金雞嶺前攻打銀山寶蓋山賊營  
劉存厚等駐紮摩旗鴻鵠兩山之前緊對城下  
洞口俟轟破後趕先進城副將慶文等在西門  
之南豫備城破時在缺口處相機堵截余萬清  
統帶兵勇自東而西會合入城其京峴山東路  
各營派遊擊黃朝恩等同時出隊埋伏俟西路  
兵勇入城後開東門北門便可一齊衝入並因

城濠寬闊豫搭浮橋計我兵攻打銀山寶蓋山  
時城內勢必空虛因定於卯正燃發地洞各路  
一鼓而入不料寅正時因該逆巡視城垣致地  
洞火綫燃發當將城牆轟缺三丈有餘是時我  
兵各路尙未齊抵河干該逆已齊擁缺口開礮  
堵禦勢難攻入因分飭各路兵勇併赴寶蓋山  
一帶將金雞嶺上賊築土壘全行犁毀是日雖

未及卽行入城計城內城外斃賊無算已足以  
寒賊膽奏入

上命軍機大臣傳諭向榮吉爾杭阿曰此次攻襲鎮江  
府城各路布置已屬周妥祇因轟破缺口時刻參差  
致我兵無橋可渡未能得手失此機會殊屬可惜惟  
該逆旣受大創防守必更周密應如何出奇制勝克  
復鎮江著吉爾杭阿督飭各營將弁仍與江北聯絡

聲援同時攻剿以期一鼓殲除

十七日

丁丑

江南道監察御史宗稷辰奏言近來

各省潰散之兵覲然仍歸本伍該營將備以軍律甚重誅之不可勝誅遂隱忍不辦以彼身犯軍律之兵公然支食行坐錢糧視爲當得苟免日久軍心愈驕而未聞諸督師與封圻大吏計慮及此儆其將來者誠恐用法過嚴激成畔亂

而不知養癰貽患緩目前之變伏異日之憂未必非相忍之一念階之厲也臣聞陸建瀛自九江退回沿江防兵一時盡潰以臣所知紹協兵三百名自采石散歸其初尙畏罪藏匿後乃放膽出頭食糧如故未幾復調防他郡矣一省如此他省可知近日湖北屢告潰師積習相因無復查辦似此姑息容忍尙復成何事體爲今之

計似宜濟寬以嚴此後各該營汛遇有潰卒私歸並無軍營咨照者卽應停其額糧所有潰散地方亦應隨時咨明原調省分切實稽覈庶行軍之紀律不至日就頽靡仰祈

飭下各將軍督撫等嚴定章程毋稍容隱似於軍務大有裨益奏入

上命軍機大臣傳諭各省將軍總督巡撫曰御史宗稷

辰奏請嚴查潰兵一摺自粵逆滋事以來各省營汛  
弁兵徵調甚繁其能奮勇出力者朕固不吝恩賞至  
遇賊逃散本有應得罪名若因人數衆多誅不勝誅  
仍令覲然入伍濫食錢糧何以申軍律而肅戎行當  
此賊氛不靖之時著各將軍督撫飭查逃回兵丁分  
別懲辦不得姑息容留聽其冒領糧餉至將弁私逃  
尤屬法無可貸卽著嚴拏正法以儆其餘該將軍督

撫等卽嚴定章程妥議具奏

二十日庚辰西凌阿綿洵奏言自本月初一等日

督隊進攻德安逆匪負固抗拒堅不出戰初六日賊匪六七十名在北鄉擄掠經我兵擊殺十餘名正在追趕間北門突出賊衆千餘抄截適臣等督隊到齊上前攻擊殺斃數十名乘勢追抵城下東門復出賊數百撲來接應敗賊復行



反噬幾被圍裏經舒保平海各馬隊合力衝殺斃賊三百餘名我軍馬步兵勇傷亡者數十名初九日臣約定參將顏朝斌出隊夾攻是日辰刻有逆匪數千圍撲顏朝斌營盤勢甚兇猛臣當撥營總富勒登布等帶兵往援該匪聞風退回我兵陣亡受傷者四十餘名十一日逆匪由東門擁出二千餘名臣卽整隊迎敵逆衆敗退

兵勇爭前追襲詎兩旁村內突出賊匪千餘名  
兵勇猝不及防暫行退後復有東西各門出賊  
無數分三面裹來經舒保平海德楞額馬隊分  
路衝突賊始敗回追殺數里先後斃賊百數十  
名兵勇受傷陣亡者四五十名奏入

上命軍機大臣傳諭西凌阿綿洵官文曰西凌阿等初  
六日之戰以已敗之賊背城反噬幾被圍裹初九日

之戰旣傳知顏朝斌出隊夾攻何以又未交戰直至  
顏朝斌營盤被困始於次日往援十一日之戰又以  
猝不及防幾墮逆匪詭計種種疏失不但郡城不能  
攻克卽該逆分股出撲亦僅勉強支持每次傷亡兵  
勇總有數十餘名之多似此調度乖方毫無把握安  
望其克復德安耶官文由安陸京山一帶進發此時  
諒已馳抵德安著卽妥籌布置併力攻克府城使江

北之賊先絕根株然後武漢等處會勦易於得手諒該督亦必早計及此也

二十三日癸未托明阿陳金綬雷以誠奏言據總

兵武慶馳報和州逆匪竄至石蹟橋地方香泉  
勇營二座失守初七日賊匪數千圍攻副將吉  
連營盤十分危急卽派總管西昌阿等帶領馬  
隊二百五十名遊擊黃志配等帶領步隊六百

名星速赴援是日戌刻行經江浦縣城因新江  
口地方來有賊船黃志配分兵三百名協同堵  
勦留防江浦西昌阿等帶馬步官兵於初八日  
馳至石蹟橋奮力迎擊殲賊五六百名當將石  
蹟橋鎮克復一面追殺餘匪一面分攻曹王廟  
之賊又斃賊一千有餘立解曹王廟賊圍維時  
吉連亦率步騎官兵從營內衝出追殺餘匪無

算又據遊擊鄧鳳林等稟報初七日有賊船三十餘隻停泊新江口賊匪數百名登岸焚掠我兵正在掩殺間上流復來賊船數十隻賊黨三四百名登岸爲諸賊援應該遊擊等分路迎擊適武慶派往石蹟橋之馬步官兵經過遊擊黃志配等卽率水勇步兵協勦追至沿江擊沈賊船四隻次日賊仍從新江口上岸鄧鳳林等佯

退誘賊至江浦龍王廟地方黃志配等從旁抄  
出鄧鳳林回兵環攻三戰俱勝初九日有賊船  
分擾龍王廟地方武慶等督兵分四路迎勦適  
西昌阿等由石蹟橋江浦一帶回營一齊兜勦  
殺賊甚多至瓜州之賊負固已久八月二十九  
日臣密飭總兵陳國泰等會合東西陸路馬步  
兵勇一齊進攻先令守備鞠耀乾等率領各艇

爲前隊該鎮等循南北江岸並進前隊礮船直  
逼金山見有黃旗賊船自南而北傳令緊逼賊  
船斬其黃衣賊目一名餘賊自相擠溺時南北  
陸路正攻瓜鎮槍礮連環不斷將賊隄轟塌數  
處臣托明阿親督副都統德興阿等由西岸四  
里鋪一帶進攻都司富倫布等分三路直逼賊  
濠賊紛紛敗退德興阿策馬揮軍直前掩殺忽



東岸之賊糾約下瓜州賊黨沿河撲來西岸高  
橋又出賊數百名衝我後隊我兵分投迎擊斃  
賊多名賊始敗逃臣陳金綬臣雷以誠由東岸  
督兵進攻參將英貴等分攻上瓜州守備湯繼  
揚等分攻中瓜州忽下瓜州來賊五六百名兩  
路抄襲愈聚愈多我兵分兩翼包抄大隊繼進  
開礮轟擊賊屍枕藉此後每日各營輪替出隊

並令水師嚴截江面斷賊接濟一俟水勢稍退  
設法奪其重濠直搗賊穴不敢稍有延緩奏入  
報

二十四日甲申向榮奏言蕪湖上下賊援麇至經

臣檄令鄧紹良統軍與師船併力會剿旋據鄧  
紹良呈稱上月二十三日賊復於弋磯修濬濠

牆左右添築二壘我兵乘夜往勦焚燒丁橋前  
賊卡一座斬殺三十餘人該逆敗退二十六日  
挑選我軍精銳一千八百人繞赴老鴉山左山  
西湖後之白馬山紮營四座約會吳全美水師  
於五鼓水陸進攻山西湖賊壘擊殺數十人又  
經水師快蟹划船開礮轟打水勇亦登岸助勦  
斃賊無數撲河淹溺千有餘人乘勢衝破賊壘

七座餘匪向鵝橋逃竄追至高岡鋪河岸又擊殺淹斃多賊山西湖一帶俱已肅清又據吳全美等稟報師船節次斷賊接濟先後擊沈賊船二十餘隻溺斃甚多奪獲米豆火藥等船十一隻生擒僞軍師王畢等十名查該逆外援各壘以廣福磯弋磯最爲扼要該處左顧范羅山右通丁橋陡門一帶惟有先從丁橋陡門攻進方

易得手當飭鄧紹良等相機籌辦並札飭舟師  
會同夾剿杜賊外援旋據探聞該逆於旗羅山  
修築壁壘聲言欲竄黃池一帶以抄我兵後路  
當卽派隊約會水師分投攻襲范羅山弋磯之  
賊並暗襲丁橋其出拒大股之賊被我兵斬殺  
數百人乘勢搶踏賊壘餘逆經水勇登岸兜斬  
無遺時裕溪口賊船亦被紅單船截獲三隻擊

沈賊匪不少其周家山賊壘經我軍水陸出隊  
攻搶壘內火起各兵爭先破入擊斃黃馬褂賊  
首一名賊衆敗潰追殺三百餘人溺斃者不計  
其數時後隊之楚兵與川廣等勇又來接應副  
將蔡應龍等復揮令合攻宋家嶺賊營連破大  
小賊壘二座擊殺無算追斬又二百有餘當於  
周家山及龍村陡門港邊屯紮三營以聯紅單

江面聲勢初八日派令蔡應龍等督率各路兵  
勇往攻廣福磯賊壘千總陳昌達首先躍登連  
奪前面二壘都司張玉良等乘勢攻搶後營擊  
殺賊匪百數十名都司陶茂森生擒僞總制曹  
芝程一名我兵一齊壓進又破賊壘一座吳全  
美復督水師分路進攻弋磯撲近賊濠守備陳  
超宗等率陸兵繼進立毀山北二壘直逼山南

該逆驚潰我兵一面搶營一面分投截擊弋磯  
廣福磯賊營七座悉數蕩平我兵卽移紮弋磯  
一帶聯絡紅單阻斷下游旗羅山梁山之路其  
范羅山內賊壘僅餘五座我兵旣扼紮弋磯賊  
勢已孤卽石壘餘匪亦不難次第剿平奏入

上諭內閣曰此次旬日以來蕪湖上下外援賊壘盡行  
掃蕩剿辦尙屬認真著向榮等督飭將弁將范羅山



之賊並石壘餘賊一律埽除淨盡無稍遲延

二十五日乙酉西凌阿綿洵奏言本月十六日逆

匪由東西北三門擁衆萬餘分作三股來撲三  
陂營盤我軍勇隊當先迎敵步隊繼之臣等親  
帶各起馬隊督後接仗時許賊衆三面兜裏勇  
力不支全行潰敗步隊兵丁亦卽披靡各營均  
已棄失臣卽過河督戰手斬潰兵數名勢不能

遏賊衆見我兵單復向前來撲臣督飭各起馬  
隊悉力前擊總管平海率馬隊急馳從東殺入  
總管德楞額亦率馬隊襲賊來路三路合剿賊  
衆大潰追殺四十餘里直抵城下計殺賊一千  
餘名生擒長髮賊百餘名臣思步隊兵勇屢次  
退卻此次接仗仍復紛紛潰散臣等督率無方  
實深惶悚相應請

旨將臣西凌阿綿洵從重治罪

同日官文奏言據顏朝斌稟稱初九日約會北路官兵夾攻郡城辰刻出隊適該逆擁衆數萬漫山徧野而來我軍分投迎敵鏖戰三時殲斃賊匪千餘名因賊衆兵單撤隊歸營該匪圍裹營盤相持一晝夜之久初十日賊匪稍懈官兵乘間出擊值西凌阿發馬隊來援內外夾攻該

逆始行敗退追至河壩橋地方十一日賊衆二萬餘人由東北兩門出城駐紮經西凌阿飭令誦欽往擊賊分兩股旁抄適馬隊官兵趕至合力夾攻將賊擊散仍敗入城各等語臣知顏朝斌一軍屢挫賊鋒尙屬可靠惟兵力單薄因添派石清吉之勇一千名鍾祥勇五百名並飭李光榮帶勇千餘名接應後路會合西凌阿等督

飭各路兵勇四面環攻以期力破賊巢頃接羅澤南來稟該道督勇五千名於九月初五日齊抵通城會集各營分投進攻將城外賊壘盡行燒燬殺賊無數賊匪退奔城內我兵攀援入城該逆從北門擁出追殺十餘里前後約斃賊三千人生擒三百六十人奪獲旗械無數當將縣城收復擬卽由崇陽一帶乘勝進剿等情臣查

羅澤南一軍素稱勁旅甫入楚境卽將通城賊  
匪勦滅淨盡楚北大局爲之一振現接胡林翼  
來函擬會合羅澤南之勇先攻金口再圍武昌  
其襄河中路賊匪屢圖上竄九月初九日賊匪  
千餘人由八百工侏儒山竄撲江家集經鹽道  
常恩分派兵勇迎勦擊斃賊匪甚多賊始敗退  
查賊匪窺伺襄河雖經兵勇擊退總未大受懲

創現飭李孟羣迅來漢川會合常恩由襄河進  
發力圖蔡店扼守要隘然後與撫臣約期同進  
庶易爲力至布政使銜道員羅澤南殺賊立功  
調度有方可否仰求

天恩優加獎勵

同日駱秉章奏言官軍自克復江西義甯州後  
賊首鍾姓竄回湖北通城崇陽通山各縣糾黨

萬餘人仍圖抗拒臣札催道員羅澤南帶勇由義甯前進密飭平江巴陵各界官軍會合進剿九月初五日羅澤南軍至通城連營東南山上管帶平勇知縣何忠駿黃崇策等亦於是日起到連營西南山上羅澤南督率進攻何忠駿等分三路直薄賊壘連破二營羅澤南督軍接應候補道李續賓等攻城之西北參將彭三元等



攻城之東南羅澤南指揮諸軍進勦殲斃悍賊數百名縱火焚燒賊壘該匪渡溪而奔諸勇分路截殺溪流盡赤及奔竄入城諸勇躡蹤追捕攀援登城殲斃無算賊從北門蠶擁而逃復被伏勇截殺淨盡當將縣城收復共計前後殺賊約三千名生擒三百數十名奪獲馬匹旗幟無數羅澤南復率師進攻桂口該逆聞風已竄通

山羅澤南急於援鄂卽由蒲圻前進道員江忠  
濟率楚勇二千於初八日馳赴蒲圻界之羊樓  
司會勦臣復飭調何忠駿等扼崇通交界之桂  
口兼爲羅澤南聲援此次克復通城在事將士  
紳勇實著微勞可否由臣覈明分別保奏以勵  
軍心均奏入

上命軍機大臣傳諭官文曰西凌阿綿洵總統諸軍勦

辦楚北逆匪兵勇屢次潰散已明降諭旨將西凌阿  
綿洵革任留營交官文差遣委用並授官文爲欽差  
大臣督辦軍務矣官文接奉此旨著卽馳抵德安妥  
籌攻剿事宜西凌阿等所帶馬隊尙屬奮勇可用或  
仍令該革員等督帶以贖前愆至步隊募勇遇賊卽  
逃懦怯已極投誠義勇一項本有三千今祇存六百  
餘皆逃入賊營此等情形幾於不可收拾官文接統

全軍應如何力加整頓以期挽回惡習轉敗爲功至竄撲江家集之賊雖經常恩擊退究未能埽除淨盡官文已檄飭李孟羣與常恩會合力圖蔡店扼守要隘布置均屬周密羅澤南克復通城卽由崇陽一帶乘勝前進與胡林翼合攻金口再圖武昌該大臣卽馳往德安先籌克復然後統兵南下迅掃逆氛速奏膚公以慰殷望

上諭內閣曰前因逆匪攻撲營盤損失軍裝器械朕僅將西凌阿綿洵革職留任稍示薄懲冀其愧奮乃本日據奏攻勦情形雖馬隊獲勝而步兵屢次潰散調度乖方毫無紀律實屬大負委任西凌阿綿洵均著卽行革任仍留軍營交官文差遣已革提督孔廣順革職留營後不知激發天良奮勉圖報著卽拏問交官文嚴訊確情據實具奏

上又諭內閣曰羅澤南帶領兵勇屢著戰功此次攻克  
通城尤屬奮勇可嘉著發去白玉翎管一枝綠玉四  
喜搬指一箇荷包四箇火鐮一把交羅澤南祇領仍  
飭會攻武漢迅殄寇氛所有羅澤南一軍在事出力  
人員著曾國藩覈明保奏其平江四營各紳勇並著  
駱秉章查明保奏

同日

上諭內閣曰湖廣總督官文著授爲欽差大臣卽日馳赴德安接受關防督辦湖北軍務

二十六日丙戌曾國藩奏言臣自辦理內湖水師

已逾半年鄱湖以內雖已一律肅清而未能橫截江面無裨大局轉瞬霜降水竭攻勦愈難師久無功餉項虛糜應請

旨將臣交部嚴加議處惟臣調度乖方咎無可辭而助

臣辦理軍務者實有勞績不可泯滅如侍郎黃  
贊湯自去歲督辦捐輸已逾六十餘萬兩實屬  
力拯大局南昌府知府史致諤於九江廣信湖  
口等軍支應叢雜毫無貽誤候補直隸州知州  
李瀚章自去歲辦理糧臺每於艱難挫折之際  
措置裕如至外江金口水營李孟羣等赴援武  
昌僅礮船五十餘號彭玉麟等赴援武昌亦僅



敵船八十餘號到武昌後三次遭風賴湖南巡撫駱秉章一力維持接濟敵船撥給餉項俾金口水師危而復安候選同知左宗棠於外江水師尤爲殷勤保護苦心照料候補知府彭玉麟於大風壞船後督率舟師赴援武昌其時賊勢方張我軍氣餒彭玉麟與李孟羣同心協力目不交睫者八十餘日竟能保守金口水軍復振

其堅忍之力殊屬難得禮部主事胡大任自賊氛再犯武漢以後在新隄地方勸捐安定民心接濟軍火厯艱險而不渝前任知府黃冕專辦湖南礮船前後造礮至六百餘尊精鍊光瑩所製竹筒炸彈之類亦皆具有精心利於攻剿不敢不厯陳於

聖主之前侍郎黃贊湯巡撫駱秉章受

恩深重自應局誠報答李孟羣職任兩司亦不敢仰邀  
獎敘其史致諤等以下各員卽歸入義甯州案  
內開單保奏籲懇

恩施奏入

上諭內閣曰兵部侍郎曾國藩督帶水師屢著戰功自  
到九江後雖未能迅卽克復而鄱湖賊匪已就肅清  
所有自請嚴議之處著加恩寬免前刑部侍郎黃贊

湯督辦捐輸以濟軍餉尤爲出力著加恩賞戴花翎  
會國藩又奏言羅澤南援鄂之師計此時尙在  
崇通一帶若剿辦得手進至咸甯江夏等縣去  
臣營在八百里以外出入賊地信息難通羅澤  
南營中大小軍情若仍由臣處奏報往返耽閣  
動逾一月此時鄂事孔棘我

皇上盼望捷報方殷擬令羅澤南於開仗之後自行專

摺奏報較之由臣處轉奏可期速到

同日李孟羣奏言臣自隨撫臣防勦南路雖屢

次獲勝究不能迅復堅城七月間撫臣渡江進

攻臣留防金口七月二十五六等日賊由武昌

出城糾合咸甯大股撲攻金口陸軍潰散復爲

賊踞麥山之師亦因無餉而潰臣率礮船與賊

相持旬日苦無援軍可調撫臣飭令駛赴上游

嚴防江面臣至新隄分撥礮船防勦島口沙湖  
等處旋因督臣赴德安恐襄河照料難周飭臣  
挑帶精勇繞赴漢川仙桃鎮一帶會同常恩魁  
玉等籌辦防勦力圖整頓查中路軍情前經督  
臣布置極爲周妥嗣因蔡店失利府河後路空  
虛常恩等兵力單薄稍稍引退督臣現派知府  
李錦變募勇二千不日可到並有知州李保邦

等之勇皆精強慣戰堪資防勦臣於九月十六日由沙湖至仙桃鎮會商魁玉等籌定機宜卽催督各軍進勦惟臣旣無陸勇而欲整頓別營仍多掣肘可否仰懇

天恩飭下中路帶兵各員聽臣會同查看調度以收整頓之效均奏入

上命軍機大臣傳諭官文胡林翼曰據曾國藩奏羅澤

南帶兵援鄂距該侍郎軍營甚遠請令該道自行奏  
報軍情並據李孟羣奏稱馳赴中路力圖整頓各等  
語自蔡店失利府河後路空虛常恩等兵勇遇賊卻  
退武漢賊勢愈肆狻獬官文前赴德安中路各軍必  
應有所統屬李孟羣已由沙湖至仙桃鎮所有中路  
各軍著官文卽飭李孟羣就近調度羅澤南移師援  
鄂克復通城當與胡林翼會合嗣後羅澤南勦賊情



形卽著胡林翼奏報毋庸交會國藩轉奏以省往返  
耽延

二十九日巳丑官文奏言九月十六日德安逆匪

四五百人撲出東門轉至北門三陂港勢甚猖獗  
義勇迎戰輒敗賊匪竄至平林市地方適西  
凌阿綿洵督率馬隊官兵趕至卽分路迎擊賊  
始大敗兵勇營盤間被焚燒潰散亦復不少現

報馮官屯馬隊官兵二千名於九月十一日陸續已到惟顏朝斌石清吉等兵勇旣嫌單薄而北路兵勇又難獨當一面臣調李光榮之勇由應城而上援助川兵並有孝感練勇一千三百名於十一日前來德郡助戰茲奉

諭旨夔巫有署總兵德恩帶兵二千名飭往荊州臣同西凌阿函商與其令德恩駐守荊州徒糜餉費

莫若由荆襄馳抵西陵阿大營會合川兵南北  
進勦必較屢潰之勇大爲得力其荊州尙有後  
派川兵陸續而來似可無虞羅澤南克復通城  
後已入崇陽縣境沿途疊有斬擒賊俱退踞崇  
陽城內指日亦可克復此軍一出金口會合胡  
林翼李錦鑾兵勇攻取武漢使賊南北不能應  
援則德安之賊卽易殲除奏入

上是之